



GODIŠNJI
IZVJEŠTAJ
2010

KULT u 2010.

Godišnji izvještaj

Izdavač:

Institut za razvoj mladih KULT

Banjska ul. 2, Ilidža, BiH

www.mladi.org

Sarajevo, 2011.



GODIŠNJI IZVJEŠTAJ

2010

SADRŽAJ

Predgovor	6
Statistika: 2010.	8
Projekti	9

Predgovor

2010. godina u KULTU je prošla izuzetno burno: Prvi dio godine obilježio je promoviranje i usvajanje strateških dokumenata koji se tiču poboljšanja položaja mladih, dok je drugi protekao u jačanju mladih ljudi i organa uprave da uspostave odgovornu i dvosmjernu saradnju u procesu donošenja odluka i provođenju aktivnosti koje se tiču mladih ljudi.

Posebno značajna godina 2010. bila je po tome što je na našu inicijativu (napokon) usvojen Zakon o mladima Federacije BiH, nakon višegodišnjeg javnog zagovaranja. Saradnja Komisije za pitanja mladih Predstavničkog doma Parlamenta FBiH i KULTA pokazala je kako izgleda uspješan model partnerstva vladinog i nevladinog sektora. KULT je izradio i nacrt zakona o mladima Brčko-Distrikta, s tim da je proces usvajanja još u toku.


Obradovala nas je i spremnost velikog broja općina u BiH da prihvati naš Model odluke o kriterijima za dodjelu sredstava projektima za mlade. KULT je ponudio svim lokalnim organima uprave ovaj model i one su se s radošću javljale iskazujući zadovoljstvo što su dobile gotov proizvod. Još jedna uspješna saradnja vladinog i nevladinog sektora.

Općine širom BiH tražile su pomoć KULTA u izradi i provođenju strategije prema mladima. Neke od njih dobile su kompletnu podršku u ovom procesu kroz različite projekte.

Pored političkog djelovanja KULT se u velikoj mjeri bavio političkim i građanskim obrazovanjem mladih ljudi iz cijele BiH. S obzirom da brojne statistike pokazuju da su mladi nezaposleni, da imaju loše obrazovanje, da žele napustiti zemlju i da su pasivni, posvetili smo veliku pažnju da mlade ljude obučimo kako da postanu društveno-politički aktivni, a i da sami imaju koristi od znanja i vještina koje steknu neformalnim obrazovanjem i volonterskim angažiranjem. Najbolji pokazatelj uspjeha jeste da se veliki broj tih mladih zaposlio, ne samo u KULTU već i u drugim organizacijama i preduzećima.

U našem Obrazovno-raznodnom centru za mlade SPAJALICA svakodnevno su se okupljali mladi ljudi provodeći, kako to kaže slogan, slobodno vrijeme sa smislom.

Udruženje KULT 2011. g. promijenilo je svoj naziv u Institut za razvoj mladih KULT, s tim da je oblik pravnog lica ostao nepromijenjen.



U nadi da ćemo i u 2011. g. imati jednako mnogo uspjeha i postignutih rezultata kao u prethodnoj godini, želimo se svim partnerima, saradnicima/ama, donatorima, medijima, volonterima/kama i prijateljima zahvaliti na neograničenu podršku jer bez nje KULT ne bi bio u ovoj mjeri uspješan.

U ovoj publikaciji možete pronaći informacije o važnijim projektima koji su obilježili 2010. i početak 2011. g.




KULT je i dalje otvoren za svaki vid plodonosne saradnje u oblasti rada s mladima i omladinskog rada, te Vas pozivamo da postanete našim partnerom, ako to dosad niste bili.

KULT

Statistika: 2010.

- 880 mladih prošlo je pojedinačne obuke
- 400 djece (mlađih od 15 godina) sudjelovalo je u projektima
- 260 polaznika/ca jednogodišnjeg programa obuke omladinskih lidera/ica „Uči, misli i djeluj!“ (5. i 6. generacija UMiD-a, kao i djevojke iz projekta KOŠNICA)
- oko 17.000 mladih koji su pratili naše aktivnosti i sudjelovali na njima u BiH i inostranstvu
- 46 sporazuma o provođenju projekata s lokalnim organima uprave u BiH
- 52 sporazuma o provođenju projekata s omladinskim udruženjima u BiH
- ostvarena partnerska saradnja s 230 nevladinih organizacija iz BiH (kroz pisma podrške)
- 124 pisma podrške vladinih institucija za različite projekte (najviše za usvajanje Zakona o mladima FBiH)
- preko 88.000 posjeta na web-stranici www.mladi.org
- 127 aktivnih volontera/ki (s kojima je potpisan ugovor o volontiranju)
- 88 malih građanskih inicijativa širom BiH koje su provodili omladinski lideri/ke u saradnji s omladinskim organizacijama u svom gradu





Projekti



Puna usta mladih!

Doprinos održivoj i institucionalnoj
brizi o mladima kroz nova
zakonska rješenja

Projekt je trajao od januara 2009. g. do jula 2010. g.

Cilj projekta Projektom se željelo doprinijeti unaprjeđenju pravnog okvira za omladinsko organiziranje, kroz usvajanje zakonskih rješenja na razini FBiH, Brčko-Distrikta i državnoj razini, te unaprjeđenju zakonskog okvira u RS-u. Bilo je potrebno usavršiti nacrt Zakona o mladima u FBiH, poboljšati provođenje Zakona o omladinskom organizovanju u RS-u, te dovršiti nacrt Zakona o mladima u BD.

Formalni partner projekta

Omladinski savjet
grada Istočno Sarajevo

Projekt se provodi uz podršku

Centri civilnih inicijativa
- CCI

Postignuti rezultati

- Usavršen je nacrt Zakona o mladima FBiH, uz učešće predstavnika/ca mladih iz cijele FBiH.
- Zakon o mladima FBiH usvojen je u Parlamentu FBiH i službeno je stupio na snagu 23. 6. 2010. g.
- Usavršen je nacrt zakonskog rješenja o omladinskom organizovanju u Brčko-Distriktu BiH i preimenovan je u nacrt zakona o mladima BD-a. Usvajanje ovog zakona uvršteno je u akcioni plan Vlade BD-a za 2009. g, ali još nije usvojen.
- Poboljšana je implementacija ZoOORS-a, posebno u oblasti brige vlasti o omladinskim centrima u RS.
- Upućena je inicijativa za donošenje državnog zakona o mladima.



Vlasti i organizacije koje su podržale projekt

Asocijacija Partnerstvo za zdravlje, Fondacija CURE, maloSUTRA, Udruženje INFOHOUSE, QPSV, Centar za Edukaciju Mladih, Inicijativa i civilna akcija, Udruženje službenika za mlade u BiH (Sporazum o saradnji), Udruženje „Žene Ženama“, Udruženje za prevenciju ovisnosti „NARKO-NE“, Ministarstvo pravde BiH, Fondacija tuzlanske zajednice, Referentna grupa Tuzla, Fondacija AWO Domovinska bašta, UG Corno (Centar za omladinski rad i neformalno obrazovanje Maglaj), Njemačko društvo za tehničku saradnju GTZ, U.G. Eko Leonardo, PERPETUUM MOBILE- Centar za razvoj mladih i zajednice, M-PRODUKCIJA, FONDACIJA IMAM PETLJU – GARIWO, Helsinški Parlament Građana /Omladinski Resursni Centar Tuzla, Omladinski centar „Ljubija“, Srpsko prosvetno i kulturno društvo „Prosvjeta“, Ustanova za kulturu Pero Kosorić Sokolac, Udruženje građana „Aurora“ Sokolac, Udruženje oboljelih od hroničnih virusnih hepatitisa, OO Teledom Šekovići, Omladinski Savjet Grada Istočno Sarajevo, Centar za prava djeteta Konjic, Savez udruženja-udruga izbjeglica i raseljenih lica u BiH, Asocijacija Alumni Centra za interdisciplinarnu postdiplomske studije – ACIPS, Studentska organizacija Filozofskog fakulteta, „Mirovna akcija humanista“ Rakovica – Ilidža, Omladinski Savjet Istočna Ilidža, SEKCIJA CIVITAS OŠ „Musa Čazim Čatić“, Partnerski omladinski pokret/POP, PRONI Centar za omladinski razvoj, Brčko Distrikt BiH, Općina Ilidža, Centar za promociju civilnog društva, Fondacija lokalne demokratije, Centar za ekologiju i energiju, Fondacija za kreativni razvoj-FKR, Udruženje „Bospo“ Tuzla, CISP Tuzla, Ministarstvo za obrazovanje, nauku, kulturu i sport Zeničko-dobojskog kantona, Ministarstvo obrazovanja, nauke, kulture i sporta USK-a, Savjet mladih Srebrenice, Kanton Sarajevo - Kabinet Premijera, Komisija za koordinaciju pitanja mladih BiH, Omladinski centar „Vermont“, Ministarstvo obrazovanja, nauke, kulture i sporta USK-a, Savjet mladih Srebrenice, PRONI Centar za omladinski razvoj, OHR, Građanska demokratska stranka BiH, Općina Bosanska Krupa, Udruženje Vesta, Općina Domaljevac-Šamac, Općina Grude, Općina Jablanica, Općina Kakanj, Općina Čapljina, Općina Bosanski Petrovac, Općina Ključ, Općina Donji Vakuf, Općina Vogošća, Grad Sarajevo, Općina Kladanj, Općina Bosansko Grahovo, Općina Gračanica, Grad Mostar, Općina Foča – Ustikolina, Omladinska organizacija Svitac, Komisija za koordinaciju pitanja mladih BiH, Općina Doboj Jug, Općina Goražde, Općina Novi Grad Sarajevo, Općina Centar Sarajevo, Općina Travnik, Općina Bugojno, Općina Odžak, Općina Srebrenik, Općina Bihać, Općina Novo Sarajevo, Općina Novi Travnik, Općina Vitez, Općina Sanski Most.

Izjave korisnika/ca projekta

Indira Karović i Jasmin Duvnjak, predsjednica i potpredsjednik Komisije za pitanja mladih Predstavničkog doma Parlamenta FBiH: „KULT je pokazao pravi primjer izabranim službenicima u vlasti kako posao treba savjesno i ozbiljno obavljati. Terminu su poštovani, javne rasprave su se uspješno provele u svih deset kantona, a posebno smo iznenađeni činjenicom da do sada nismo imali kvalitetnije učinjen izvještaj o provedenoj javnoj raspravi.“

Gosp. Ušanović, službenik za mlade u Vladi Brčko-Distrikta: „KULT svoj dio angažmana uradio više nego korektno, jer su mladi BD-a dobili kvalitetan nacrt zakona, na koji niko nije imao suštinskih primjedbi.“



Promocija Zakona o mladima FBiH

Projekt je trajao od januara do aprila 2011. g.

Cilj projekta Cilj promocije Zakona o mladima FBiH bio je da informacije o Zakonu budu dostupne svim zainteresiranima, te da mladi budu upućeni u svoja prava i obaveze. Promotivnom kampanjom su se motivirali svi nivoi vlasti u FBiH da primjenjuju Zakon u okviru svojih nadležnosti.

Uključene općine

U saradnji s četiri partnerske organizacije projekt se realizirao u općinama: Tešanj, Maglaj, Zavidovići, Zenica, Kakanj, Velika Kladuša, Bosanski Petrovac, Cazin, Bihać, Drvar, Travnik, Vitez, Jajce, Jablanica, Mostar, Tomislavgrad, Široki Brijeg, Ilidža, Vogošća i Sarajevo.

Postignuti rezultati

- Povodom usvajanja Zakona o mladima provedena je promotivna kampanja u 20 gradova širom FBiH. Zakon o mladima prezentiran je u omladinskim centrima u 20 gradova Federacije, te u 15 srednjih škola. Održano je 20 okruglih stolova u različitim gradovima za omladinske organizacije i mlade, te 20 radionica o temi politika prema mladima. 30.000 mladih dobilo je informaciju o Zakonu, njih 1.500 bilo je direktnim učesnicima/ama promocije Zakona. Oko 70 medija pratilo je ovu kampanju.





Formalni partner projekta

Centar za edukaciju mladih
Travnik, Omladinski klub Pod
istim suncem Jablanica,
Udruženje EKO-MLADI Tešanj i
Demokratska organizacija
mladih Velika Kladuša

Projekt se provodio uz podršku
GIZ – Njemačko društvo za
međunarodnu saradnju

Izjave korisnika/ca projekta

"Zakon o mladima FBiH nije samo obična hrpa papira na kojima su napisana kojekava pravila o životu, već je to nešto što nama mladima garantira budućnost, školovanje, posao... Svaka čast KULTU na ovoj predivnoj stvari koja nam se desila i još uvijek se dešava. Način na koji se Zakon promovira je takav, da bi nam i Amerikanci pozavidjeli,"

*(Andrej Petrović, volonter
Instituta za razvoj mladih
KULT, 19. g.)*

„Raduje me što sam u okviru javne tribine Aktivno sudjelovanje mladih u kreiranju bolje perspektive i svjetlije budućnosti imao priliku upoznati se sa Zakonom o mladima FBiH. S obzirom da nisam znao da je Zakon usvojen, ovo je bio odličan način da se upoznam s pravima i obavezama koje on predviđa. Sretan sam jer sad imamo mehanizme da iskažemo svoje potrebe i probleme.“

*(Hasan Karišik, Udruženje
Tempo, Vogošća, 24. g.)*



Projekt obrazovanja mladih uključenih u društvene procese

Projekt je trajao od decembra 2008. g. do septembra 2010. g.

Cilj projekta Sveukupni cilj projekta bio je ohrabriti mlade iz Ilidže i Istočnog Sarajeva da preuzmu aktivnu ulogu u zaštiti svojih prava i utječu na donositelje odluka s ciljem poboljšanja kvalitete života, implementirajući lokalne strategije prema mladima i uvažavajući demokratske principe građanskog društva u načinu djelovanja.

Uključene općine

Općina Ilidža, Grad Istočno Sarajevo, a posebno Opština Istočna Ilidža

Formalni partner projekta

Omladinski savjet Grada Istočno Sarajevo (OSGIS)

Projekt se provodio uz podršku

Delegacija Evropske unije u BiH

Postignuti rezultati

- Polaznici/e programa obuke UMiD iskoristili su stečeno znanje za implementaciju 12 malih projekata i 6 građanskih inicijativa u svojim lokalnim zajednicama. Pored projekata, mladi su ostvarili saradnju s različitim subjektima kao što su United Nations Environment Programme, Stiftung Schüler Helfen Leben, osnovnim i srednjim školama, te s oko 12 općina iz BiH. Ostvarena je saradnja s privatnim sektorom gdje je troje mladih dobilo priliku volontirati i upoznati se s načinom rada privatnih subjekata. U saradnji s predstavnicima partnerskih općina uključenih u projekt, razvijeni su kriteriji za dodjelu sredstava omladinskim projektima i koji su prihvaćeni od navedenih općina.



Mladi s područja općine Ilidža i grada Istočno Sarajevo prošli su certificiranu obuku omladinskih lidera/ki Uči, misli i djeluj! (UMiD). KULT je u partnerstvu s drugim organizacijama u BiH formirao Mrežu Volonterskog dnevnika, a uspostavljen je i model kriterija za dodjelu budžetskih sredstava u Istočnom Sarajevu i Ilidži.

Izjave korisnika/ca projekta

„Program obuke omladinskih lidera/ki UMiD je ostavio vidljiv trag na sve učesnike/ce. Lično za mene je to bilo nešto najbolje što sam uradila u životu. UMiD mi je pružio znanje koje ne mogu dobiti u školskoj učionici, a koje dalje koristim i nastojim podijeliti s svojim vršnjacima. UMiD je dokaz da se neformalno obrazovanje i volontiranje isplati.“ (Arnela Camović, omladinska liderica, Ilidža, 24. g.)

„Opština Istočna Ilidža je bila jedan od partnera u projektu Učešće mladih u strateškom razvoju lokalne zajednice. Kao i svi projekti KULTA, i ovaj je imao jasne ciljeve i efekte za širu društvenu zajednicu. Našoj Opštini je izradom Modela odluke o kriterijima za dodjelu sredstava projektima za mlade olakšan rad u više segmenata:

- pri raspisivanju konkursa za dodjelu finansijskih sredstava za NVO;

- pri ocjenjivanju prijavljenih projekata.“

(Bosa Kalinić, službenica za pitanja mladih, Istočna Ilidža)



KOŠNICA

Jačanje mladih liderica
u omladinskim
organizacijama



Projekt traje od decembra 2009. g. do decembra 2011. g.

Cilj projekta je povećanje emancipacije i samopouzdanja mladih žena i njihove svijesti o važnosti aktivnog uključivanja u demokratskom društvu kao javnih figura, kreiranje novih odnosa i udjela u zastupljenosti žena u bh. društvu.

Uključene općine

Grad Sarajevo (4 gradske općine: Stari Grad, Centar, Novi Grad Sarajevo i Novo Sarajevo), Općina Ilidža, Općina Žepče, Općina Gračanica, Općina Vogošća, Općina Velika Kladuša, Opština Šekovići, Opština Vlasenica, Opština Šipovo, Opština Istočna Ilidža, Opština Prijedor i Općina Bugojno.

Projekt se provodi uz podršku

UN WOMEN (nekadašnji UNIFEM)

Formalni partner projekta BH Expert

Postignuti rezultati

- Saradnja 180 djevojaka iz 12 općina i 12 lokalnih omladinskih organizacija iz cijele Bosne i Hercegovine koje promoviraju ravnopravnost spolova;
- djevojke su stekle znanje o sljedećim temama: volonterstvo i građanski aktivizam, timski rad i liderstvo, rodno osvještavanje, odnosi s javnošću, ljudska i ženska ljudska prava i demokracija, omladinski rad i politika prema mladima;
- stekle su dodatne vještine provodeći građanske akcije;
- preuzimaju inicijativu u svojoj lokalnoj zajednici i učestvuju u procesu donošenja odluka;
- zalažu se za prava žena i ravnopravnost mladih na različitim razinama vlasti u Bosni i Hercegovini.
- unaprijedile su sposobnosti preuzimanja odgovornosti.



Aktivnosti do kraja projekta

- Dva modula obuke o temama: samoosnaživanje i upravljanje organizacijom, vođenje projekata i projektnih aktivnosti u kojima učestvuju 180 djevojaka iz 12 općina;
- Treća građanska inicijativa u svih 12 općina u nekoj od oblasti: ravnopravnost spolova, neformalno obrazovanje mladih ljudi, aktivno uključivanje mladih u društvene procese, promocija lokalne strategije prema mladima;
- Napredna obuka o izgradnji i uspostavljanju mreže za ravnopravnost spolova za 15 najuspješnijih polaznica;
- Trening za trenerice za 15 najuspješnijih polaznica;
- Studijsko putovanje u inostranstvo za 15 najuspješnijih polaznica;
- Završna projektna konferencija.

Izjave korisnika/ca projekta

„U ovom projektu sam naučila dosta o tome kako funkcionira naše društvo, te kako se uključiti u sam proces njegovog poboljšanja. Pored vještina koje sam usvojila, ono što mi je posebno bitno je da sam u ovom projektu upoznala dosta mladih djevojaka koje konstantno rade na unapređenju sebe i koje su spremne da sutra budu onima koje će donositi važne odluke za naše društvo. Nadam se da je ovo društvo spremno za novu pozitivnu snagu koju donose naše PČELICE.“ (Lejla Salkanović, polaznica obuke za omladinske liderke, Ilidža, 22. g.)

„Otkako su počeli treninzi i konsultacije, propraćene praktičnim radom na terenu i umrežavanju, djevojke iz OSV-a su postigle zavidan nivo nezavisnosti i vještina. OSV je ojačan ljudskim kapacitetima i u proteklom periodu postignuti su izvanredni rezultati na lokalnom nivou. Bitno je napomenuti da je i lokalna uprava prepoznala kvalitet rada djevojaka čemu ide u prilog činjenica da je dobar broj djevojaka sa KOŠNICE uključen u razne grupe i komisije pri opštini a koje imaju veze sa mladima svih profila.“ (Srđan Vidaković, predsjednik Omladinskog savjeta Vlasenica, 29. g.)

Obrazovno-razonodni centar za mlade SPAJALICA

Slobodno vrijeme sa smislom!

SPAJALICA je zvanično otvorena u augustu 2008. g.

Cilj projekta Obrazovno razonodni centar za mlade SPAJALICA, u saradnji sa svim zainteresiranim stranama, dizajnira i provodi aktivnosti za mlade ljude kojima je centar pristupačan, u skladu s potrebama koje mladi sami iskažu. Na taj način mladi smisleno ispunjavaju svoje slobodno vrijeme, pripremajući se za kvalitetniji poslovni i privatni život.

Uključene općine

Općina Ilidža, te druge općine u Kantonu Sarajevo i gradu Istočno Sarajevo

Priznanja

SPAJALICA je dobitnik Zlatne plakete u 2008. g. Općine Ilidža za doprinos razvoju ove lokalne zajednice.

Projekt se provodi uz podršku

Općina Ilidža

Postignuti rezultati

- Mladi imaju mogućnost nadopuniti svoje znanje stečeno u školi i smisleno ispuniti slobodno vrijeme koje imaju;
- poboljšan je položaj mladih na području Ilidže kroz neformalne interaktivne obuke, informiranje, savjetovanje;
- ostvarena je saradnja i izgrađeno povjerenje kod općine, osnovnih i srednjih škola, te brojnih drugih javnih i nevladinih institucija iz općine Ilidža i susjednih općina;
- mladi ljudi, ispunjavajući svoje slobodno vrijeme sa smislom, postaju zadovoljni i društveno odgovorni građani/ke.



Naredne aktivnosti

- ispitati potrebe ciljne grupe i prilagoditi ponudu potrebama zajednice i željama korisnika/ca;
- urediti dvorište SPAJALICE, zajedno sa učesnicima/ama trosedmičnog radnog kampa – Ewoca3;
- uspostaviti biblioteku za neformalno obrazovanje u oblasti aktivizma i rada s mladima pod nazivom KULTOTEKA;
- promovirati centar i upoznati širu javnost o njegovoj ponudi;
- poticati razmjenu mladih.

Izjave korisnika/ca projekta

„SPAJALICA je jedinstveno mjesto u našem gradu gdje svaka mlada osoba koja ima ambicije da ostvari nešto u životu može naći sadržaj koji će je zadovoljiti, počevši od upoznavanja mladih perspektivnih lidera/ki do profesionalnih obuka i putovanja. Skoro sve što sam postigao u životu vezano je za SPAJALICU i Udruženje KULT“. (Rijad Ećo, volonter, Ilidža, 21. g.)

„SPAJALICA je najbolje mjesto za igru, zabavu, kreativni rad, mjesto gdje mladi mogu na veoma prihvatljiv način, kao nigdje drugdje, naučiti mnoge korisne stvari“. (Aida Lušničkić, pomoćnik načelnika za obrazovanje, kulturu, sport i informisanje, Općina Ilidža“



Učešće mladih u strateškom razvoju lokalne zajednice

Projekt traje od januara 2010. g. do septembra 2011. g.

Cilj projekta je ohrabriti mlade ljude iz cijele BiH da nauče samostalno ostvariti i zaštititi svoja prava u zajednici, da sudjeluju u donošenju odluka koje ih se tiču i da aktivno i smisleno rade na poboljšanju životnog standarda u svojoj zajednici, zagovarajući provođenje zakonâ o mladima i lokalne strategije prema mladima.

Uključene općine

Gračanica, Gradačac, Srebrenica, Vogošća, Istočna Ilidža, Kozarska Dubica, Tešanj, Dobojo, Centar Sarajevo, Novo Sarajevo, Ilijaš

Formalni partner projekta

Udruženje službenika za mlade (USM)

Projekt se provodi uz podršku

Delegacije Evropske unije u BiH.

Postignuti rezultati

- Izrađene i usvojene lokalne strategija za mlade u tri općine.
- Općine širom BiH prihvaćaju Model odluke o kriterijima za dodjelu sredstava projektima za mlade.
- Urađene su analize problema i potreba u 4 općine, te stvoreni uvjeti za izradu još četiri strategije. Za šest općina koje imaju strategiju za mlade otklonjene su prepreke i povezane su s lokalnim organizacijama s ciljem zajedničkog poboljšanja provođenja strategija.
- Mladi su prošli 6 modula programa obuke omladinskih lidera/ki i na osnovu stečenog znanja trenutno implementiraju 24 građanske inicijative u lokalnim zajednicama.
- Mreža Volonterskog dnevnika™ je obilježila 5. decembra.



Aktivnosti do kraja projekta

- Nadgledanje i savjetodavna podrška općinama i lokalnim organizacijama u procesu usvajanja strategija prema mladima i Modela odluke o kriterijima za dodjelu sredstava projektima za mlade i prihvaćanje odredaba Zakona o mladima u BiH i omladinske politike u RS.
- Održavanje 6 modula (12 radionica) za dvije grupe polaznika/ca i provođenje 12 malih projekta.
- Održavanje dva sastanaka s članicama MVD i postavljanje zajedničkih ciljeva za unaprjeđenje rada i promocije Mreže.

Izjave korisnika/ca projekta

“Ono što mogu reći o obuci UMID je da mladima omogućava mnogo, prvenstveno da steknu i ojačaju samopouzdanje, sagledaju svoje sposobnosti, prošire znanje, razviju vještine komunikacije i nauče veoma korisne stvari koje bi im mogle pomoći u poslovnom svijetu i budućoj karijeri. Smatram da sam pohađanjem obuke naučila mnogo korisnih i bitnih stvari koje do sad nisam imala mogućnosti negdje drugo naučiti. Dobra prilika za sve mlade prvenstveno da se druže, razmijene iskustva i nauče mnogo.” (Sanja Božović, polaznica programa obuke UMID, Istočna Ilidža, 26. g.)

“Dosadašnja saradnja je po meni odlična, vjerujem da će se tako i nastaviti. Kontaktirao sam udruženje Eko-mladi i mlade koji su uključeni u projekt. Tražio sam informacije o toku. Želim informirati i načelnika o toku projekta. Vidio sam kod načelnika zadovoljstvo na učešću u Konferenciji za promociju Zakona o mladima. To je i javno iskazao, na jednom širem skupu. Ovakvi projekti su dio ciljeva koje imamo. Iz odgovora koje sam dobio, shvatio sam da su polaznici izuzetno zadovoljni svim segmentima (smještajem, kontaktima, radionicama). Postoji mogućnost da ćemo i mi nastojati da oni ta znanja prošire na još neki broj mladih ljudi u općini”. (Suad Huskić, pomoćnik Općinskog načelnika Tešanj)

Izaberi bolje

Doprinos boljoj predizbornoj informiranosti građana/ki i umanjenju neregularnosti u izbornom procesu

Projekt trajao od marta 2010. g. do novembra 2010. g. (KULT kao projektni partner)

Nosilac projekta

Centar za humanu politiku,
Doboj

Projekt se provodi uz podršku

Centri civilnih inicijativa -
CCI

Cilj projekta jeste da osigura provođenje više povezanih i srodnih aktivnosti iz predizbornih, izbornih i postizbornih procesa, koji trebaju doprinijeti dobijanju rezultata o ispunjavanju predizbornih obećanja, boljoj predizbornoj informiranosti građana/ki, prijavljenoj imovini izabраниh kandidata na Općim izborima 2010. g. i drugih bitnih informacija do vremena konstituiranja vlasti na državnom, entitetskom i kantonalnom nivou.



Postignuti rezultati

- CIK je uradio i donio bolji i pregledniji obrazac/imovinski karton, za prijavu imovine kandidata, u skladu sa prijedlozima CHP-a i KULTA;
- Urađeno je istraživanje o imovini kandidata za Izbore 2010. (podaci o imovini svih kandidata za državni i entitetski nivo prikupljeni su i objedinjeni u jednu bazu, tabelarno prikazani); – Izvršeno je poređenje podataka o imovini izabranih kandidata na državnom i entitetskom nivou vlasti s izbora 2006. g. i 2010. g;
- Praćeni su koraci Centralne izborne komisije u vezi s prijavama zbog nepravilnosti u izbornom procesu;
- Podaci o prijavljenoj imovini izbornih kandidata su analitički obrađeni i učinjeni dostupnim javnosti.

Javna sredstva, računajte na mlade!

Inicijativa za povećanje
odgovornosti javnih institucija u
BiH za trošenje javnih sredstava

Projekt traje od marta 2011. g. do juna 2012. g.

Uključeni nivoi vlasti

Državna i entitetska vlast

Projekt se provodi uz podršku

Centri civilnih inicijativa (CCI)

Cilj projekta Projektom se želi postići da tema nesankcionirane nenamjenske potrošnje javnih sredstava i nemara državnih vlasti prema preporukama revizora, prije svega dobije pažnju javnosti. Time se namjerava direktno utjecati na povećanje odgovornosti državnih institucija za ovo pitanje. Posebno se želi ukazati na neregularnosti u procesu dodjele budžetskih sredstava omladinskim organizacijama.



Projekt traje od decembra
2010. g. do decembra 2012. g.

Jednake mogućnosti za sve mlade!

Projekt za povećano društveno uključivanje marginaliziranih mladih kroz institucionalnu saradnju vlasti i organizacija građanskog društva

Cilj projekta jeste osnažiti mlade iz Bosne i Hercegovine, Hrvatske i Srbije da preuzmu vodstvo u zaštiti svojih prava, da utječu na donosioce odluka i poboljšaju kvalitet života, prihvaćajući demokratske principe građanskog društva kao svoj životni stil.

Uključene općine

Općina Ilidža, Općina Bihać, Opština Ljubinje, Opština Zvornik, Općina Gornji Vakuf – Uskoplje. Lokalne zajednice iz Hrvatske: Grad Ozalj, Grad Solin, Grad Vodnjan, Grad Zagreb. Lokalne zajednice iz Srbije: Opština Blace, Opština Čoka, Opština Stari grad – Beograd.

Formalni partner projekta

Mreža mladih Hrvatske (Hrvatska), Resursni centar za razvoj ALFA, Novi Sad (Srbija) i Evropski interkulturni forum, Berlin (Njemačka).

Projekt se provodi uz podršku

Evropske komisije - IPA program socio-ekonomskog partnerstva.

Postignuti rezultati

- Predstavnicima/e KULTA, Mreže mladih Hrvatske, Resursnog centra za razvoj ALFA i Evropskog interkulturalnog foruma prisustvovali su velikom kongresu u Istanbulu, koji je organizirao Evropski pokret. Institut za razvoj mladih KULT bio je raspisao Javni poziv za učešće lokalnih zajednica u projektu, na osnovi kojeg su odabrane zajednice iz BiH, Hrvatske i Srbije. S lokalnim zajednicama potpisani su sporazumi o saradnji. Također, formirana je Mreža za promociju društvenog uključivanja mladih. Predstavnicima/e lokalnih zajednica i organizacija članica Mreže prisustvovali su studijskoj posjeti organizacijama u Berlinu koje se bave mladima i društvenim uključivanjem.



Aktivnosti do kraja projekta

- Tokom projekta u 12 lokalnih zajednica provest će se istraživanje koje će identificirati trenutnu situaciju u oblasti društvene uključenosti mladih, te dati preporuke za poboljšanje situacije. Izradit će se kurikulum obuke za društveno isključene mlade, prema kojem će se održati obuka za mlade iz lokalnih zajednica učesnica u projektu. Provest će se i poredbena studija o politikama društvene uključenosti u BiH, Hrvatskoj, Srbiji i EU. Organizirat će se velika regionalna radionica za predstavnike/ce organizacija građanskog društva, službenike/ce za mlade, te predstavnike/ce vlasti sa svih nivoa. Kampanja s ciljem podizanja svijesti o značaju društvenog uključivanja bit će provedena tokom druge godine provođenja projekta.



Škola prijateljstva

Besplatni edukativni boravak za osnovce; program pomoći učenicima/ama u izradi domaćih zadataka i druženje kroz kreativne radionice i igre

Projekt je počeo 2008. g.


Cilj projekta je da se djeca, kroz različite aktivnosti, druže sa svojim vršnjacima/kinjama, uče kroz igru, dobivaju odgovarajuću pomoć pri izradi svojih domaćih zadataka, prepoznaju svoje potencijale, razvijaju se u ličnosti, sudjeluju u projektima koji ih jačaju, neformalno se druže i tako socijaliziraju.

Uključene općine

Ilidža, Hadžići

Postignuti rezultati

- Do sada je održano preko 130 radionica Škole prijateljstva, porastao je i broj kurseva engleskog jezika, sa 25 na više od 30, 10-ak izleta, šetnji, posjeta muzeju, bazenu i sl. Radionice se održavaju četiri puta sedmično, engleski jezik jednom sedmično, izleti jednom do dva puta mjesečno. Pored toga što djeca redovno rade svoje školske zadatke, imali su priliku učiti o svojim pravima, zdravoj ishrani, prirodi i ekologiji, rješavanju problema i sukoba, o divljim i domaćim životinjama. Praktično su učili klizati, plivati, te igrali razne društvene igre u prirodi.



Naredne aktivnosti

- I u narednom periodu planirano je da djeca nastave sa svojim neformalnim obrazovanjem kroz ovaj program, učenjem i izradom školskih zadataka, druženjem, zabavom... Posebno treba istaći, također besplatan, kurs engleskoga jezika za osnovce koji se održava jednom sedmično u Obrazovno-raznodnom centru za mlade SPAJALICA. Naravno, tu će i dalje biti izleti, šetnje, posjete kinima, muzejima, pozorištima, bazenima i još mnogo toga.

Izjave korisnika/ca projekta

„Veoma zanimljiv, edukativan i zajednici koristan projekt! Pruža mogućnost individualnog i timskog rada, te primjenu raznih faktora o kojima smo učili na radionicama obuke Uči, misli i djeluj. Drago mi je što sam dijelom ovoga projekta, volim djecu i rad s njima.“ (Mubina Kahvić, volonterka KULTA, Ilidža, 19. g.)

„Ja sam u Školi prijateljstva upoznao mnogo novih prijatelja. Naučio sam dosta korisnih stvari koje nisam znao prije, sve to kroz igru, zabavu i zadatke koje smo dobivali da radimo u grupama. Ja sam uvijek bio u grupi s jednom djevojčicom. Sada znam da se može igrati i učiti.“ (Kerim Gagula, polaznik Škole prijateljstva, Sarajevo, 10. g.)



Info-tačka za mlade

Projekt je počeo 2009. g. i nije ograničen trajanjem.

Cilj projekta Info-tačka za mlade predstavlja projekt koji želi podići svijesti mladih o seksualnom i reproduktivnom zdravlju. Tri su komponente: vršnjačka edukacija, metodologija Zaplovimo zajedno!, kao i interaktivna Info-tačka, gdje se mladi mogu informirati o temi seksualnog i reproduktivnog zdravlja. U okviru info-tačke mladi se mogu informirati i o drugim temama: stipendije, karijera, volontiranje, studiranje van BiH itd.

Uključene općine

Općina Ilidža

Formalni partner projekta

Općina Ilidža, Dom zdravlja Ilidža, Obrazovno-raznodni centar za mlade SPAJALICA

Projekt se provodi uz podršku

GIZ – Njemačko društvo za razvojnu saradnju

Postignuti rezultati

- uspostavljena Info tačka, poboljšan pristup informacijama o seksualnom i reproduktivnom zdravlju, HIV-u, zapošljavanju, stipendijama... (Info-tačku je koristilo oko 200 mladih)
- održane 2 vršnjačke edukacije (40 mladih prošlo kroz edukacije)
- inovativna, interaktivna i participativna edukativna metoda Zaplovimo zajedno (Join in Circuit) prezentirana je u srednjim školama s područja općine Ilidža
- ostvarena jača saradnja s općinskim vlastima i drugim organizacijama koje imaju info-tačku



Aktivnosti u budućnosti

- održati prezentacije metodologije Zaplovimo zajedno u centru za mlade SPAJALICA
- održati prezentacije vršnjačke edukacije u srednjim školama
- ostvariti saradnju s drugim omladinskim centrima
- promovirati Info-tačku
- obučiti nove vršnjačke edukatore/ice
- pratiti znanje mladih o temama kojima se bavi Info-tačka

Izjave korisnika/ca projekta

*„Smatram bitnim da općinske strukture podržavaju projekte koji se tiču seksualnog i reproduktivnog zdravlja i na taj način doprinesu osvještavanju mladih u ovom polju. Info-tačka u centru za mlade SPAJALICA je odlično mjesto za sve mlade koji žele dobiti više informacija o ovoj temi.“
(Amra Bojičić, službenica za mlade, Općina Ilidža)*

*„Info-tačka je otvorena u sklopu zdravstvenog projekta za mlade. Ovdje mladi mogu dobiti razne informacije, prvenstveno o seksualnom i reproduktivnom zdravlju, ali i o drugim temama koje se tiču upravo njih, npr. volonterstvo, stipendije...“
(Kenad Osmanović, vršnjački edukator, Ilidža, 19. g.)*

Rad s mladima na otvorenom – mobilni timovi

Projekt je trajao od septembra 2010. g. do januara 2011. g.

Cilj projekta Mobilni timovi za borbu protiv maloljetničkog prijestupništva predstavljaju poseban i u Bosni i Hercegovini jedinstven program prevencije, gdje su potencijalni mladi prijestupnici/e dobili priliku da se posavjetuju i dobiju dodatne informacije na neformalnim mjestima kao što su parkovi i kafići.

Uključena područja

Novi Grad Sarajevo, Novo Sarajevo, Ilidža

Projekt se provodio uz podršku

Kanton Sarajevo, Kabinet premijera

Postignuti rezultati

- Tokom trajanja projekta održano je 8 sastanaka sa mladima koji svoje slobodno vrijeme provode na otvorenom. Sa svakom grupom održana su dva sastanka. Tokom sastanaka sa grupama govorilo se o sljedećim temama: izlazak na izbore, volonterstvo, seksualno i reproduktivno zdravlje, rizično ponašanje. Članovi/ce mobilnog tima su učesnike/ce ovih sastanaka pronalazili najčešće u parkovima, gdje se ciljna grupa i okuplja. Mobilni tim je bio iznenađen koliko je ciljna grupacija spremna otvoreno govoriti o svojim problemima, i o onome što im smeta u društvu.

Mobilni timovi za rad s mladima na otvorenom pokazali su se učinkoviti u Evropi, a da kod nas ranije nisu postojali. Često je u Evropi nazvan kao „ulični rad“ (street work ili detached youth work), a potiče iz Velike Britanije i Irske još iz 1950-ih godina. U Sjedinjenim Američkim Državama i Kanadi ovakav oblik rada sa mladima aktivno djeluje u nastojanjima da mlade ljude uključe u koordinirane programe (rekreativne, obrazovne ili socijalne).

Članovi/ice mobilnog tima za prevenciju maloljetničkog prijestupništva koji su bili uključeni u prošlogodišnji projekt sada imaju iskustvo u radu s mladima koji svoje slobodno vrijeme najčešće provode na ulici. Izvještaji provedenog projekta pokazali su da i ova grupa mladih osoba imaju potrebu aktivno biti uključeni u društvo i doprinositi napretku zajednice, ali su u tome iz određenih razloga spriječeni.

Zbog osjetljivosti ciljne grupe nisu pravljene fotografije uključenih u projekt.

Izjave korisnika/ca projekta

„Osobe koje ne studiraju ili ne rade objašnjavaju da nemaju vremena za volontiranje ili jednostavno ne žele raditi besplatno. Ja kao osoba sam se razočarala kada sam vidjela koliko su mladi pogubljeni i nemaju pojma šta da rade sa sobom.“ (Azra Hadžić, članica mobilnog tima, Ilidža, 23. g.)

„Kroz grupe smo vidjeli da oni puno više razgovaraju na otvorenom prostoru te o dosta širem spektru tema nego njihovi vršnjaci u zatvorenim lokalima. Razlog tome je što u zatvorenom prostoru postoji vjerovatnoća da razgovor čuje više ljudi, što stvara klasični pritisak mase. Na taj način se ponekad potisne neka zaista bitna tema, o kojoj bi u svakoj, manjoj ili većoj grupi trebalo biti govora.“ (Hasan Musić, član mobilnog tima, Ilidža, 21. g.)

Jačanje omladinskog razvoja

Projekt traje od februara 2011. g. do jula 2011. g.

Cilj projekta jeste razmjena iskustva u oblasti politike prema mladima i omladinskog rada između BiH i Moldavije, kako bi se poboljšala saradnja između vladinog i nevladinog sektora i samim tim doprinijelo jačanju omladinskog razvoja.



Posjećene institucije

Njemačko društvo za međunarodnu saradnju (GIZ), Općina Ilidža, Opština Istočna Ilidža, Komisija za koordinaciju pitanja mladih BiH, Skupština Kantona Sarajevo, Omladinski savjet Vlasenica i Stara škola Vlasenica

Nosilac projekta

National Youth Resource Center, Moldavija

Projekt se provodi uz podršku

Program East East: Partnership Beyond Borders Program (EE:PBBP), koji finansiraju Fond otvoreno društvo Bosna i Hercegovina i Fondacija SOROS iz Moldavije.

Postignuti rezultati

- U okviru I faze projekta KULT je ugostio partnere iz Moldavije na 7 dana i omogućio im da dobiju više informacija o entitetskim zakonima o mladima, o radu centara za mlade u gradskim i ruralnim sredinama, o tome kako se finansiraju omladinska udruženja i još mnogo toga. Predstavnicima/e KULTA, pozivajući i službenike/ce za mlade iz Kantona Sarajevo, imali su priliku saznati kako se razvijao omladinski sektor u Moldaviji. Posebno zanimanje je grupa iz Moldavije pokazala za KULTOV model kriterija za finansiranje projekata iz javnih budžeta, koji odnedavno primjenjuje veliki broj lokalnih zajednica u BiH, kao i za patentirani Volonterski dnevnik®, koji pomaže volonterima/kama da im se prizna njihovo volontersko djelovanje.



Aktivnosti do kraja projekta

- U okviru II faze projekta planiran je regionalni okrugli sto koji će se održati u Moldaviji u junu 2011. Regionalnom okruglom stolu o temi politika prema mladima i omladinski rad prisustvovat će, pored partnera iz Moldavije, predstavnici/e iz BiH, Srbije, Rumunije, Estonije, Latvije i Slovenije.

Izjave korisnika/ca projekta

Na pitanje „Šta je na mene ostavilo najjači utisak?“ članovi studijske grupe iz Moldavije u evaluaciji su napisali:

- *Saradnja vladinog i nevladinog sektora;*
- *Postupan pristup i dobro osmišljen sistem na svim razinama rada s mladima;*
- *KULTOV doprinos na polju politike prema mladima;*
- *KULTOV TIM: mladi, motivirani, kompetentni;*
- *Volonterski dnevnik;*
- *Obuke za volontere/ke;*
- *Službenici/e za mlade su organizirani i imaju prijateljski pristup mladima i nevladinim organizacijama;*
- *Multikulturalnost.*



Planska igra o Evropskoj uniji

Projekt traje od 2008. g.

Cilj projekta je upoznati mlade s radom institucija Evropske unije i načinom na koji joj zemlje kandidati pristupaju.



Postignuti rezultati

- Dosad je na Planskoj igri o EU u BiH prisustvovalo više od 1000 mladih, te su na taj način animirani da se u budućnosti neformalno obrazuju o procesu pristupanja Bosne i Hercegovine Evropskoj uniji. Kroz Plansku igru mladi su se oslobodili predrasuda koje su imali prema susjednim zemljama, kao i prema ostalim nacijama koje žive u BiH. Planska igra pomogla je mladima da kroz interakciju i prezentacije steknu komunikacijske i pregovaračke vještine, te da povećaju svoje samopouzdanje.

Formalni partner projekta

Pharos, Stuttgart, Njemačka

Projekt su dosad podržali

IFA, Stuttgart; Austrijska razvojna agencija ADA u BiH; općine u BiH; Ambasada SR Njemačke u BiH; Parlament BiH



Tok Planske igre o EU

- U okviru Planske igre o EU učesnici/e preuzimaju stvarne uloge i ponašaju se kao članovi/ce sljedećih institucija: Evropski parlament, Evropsko vijeće, Komisija EU, zemlje kandidati. Oni donose važne odluke, te odlučuju koje zemlje će postati kandidati za ulazak u Evropsku uniju. Petu grupu učesnika/ca predstavljaju mediji koji budno prate rad institucija EU i na osnovi informacija pišu vijesti koju su postavljene na vidno mjesto te na taj način vrše pritisak na rad institucija.
- Ovako mladi uče koliko je težak i dugotrajan proces donošenja političkih odluka kada je u pitanju proširenje Evropske unije.
- Planska igra traje dva dana i broji 48 različitih uloga, koji su detaljno opisani na nekoliko stranica i dijele se na samom početku slučajnim uzorkom.
- Udruženje KULT nosiocem je prava Planske igre o EU za Bosni i Hercegovinu.

Izjave korisnika/ca projekta

„Planska igra o EU dobar je način da se mladi ljudi upoznaju s načinom rada institucija Evropske unije. Osim što je igra uloga realistična, svi smo osmislili imena koja su karakteristična za državu koju predstavljamo. Tokom igre bio sam dio Parlamenta EU, koji je obavljao razgovore sa zemljama koje žele pristupiti u evropsku zajednicu država. Sve je još zanimljivije zahvaljujući ulogama novinara, koji su pratili svaki naš korak, a najzanimljivije situacije objavljivali na svom panou. Preporučio bih svim mladima, koji žele naučiti nešto novo i pri tome se dobro zabaviti, da se prijave na Plansku igru.“ (Andrej Petrović, učesnik Planske igre o EU, Sarajevo, 17. g.)

Razmjena volontera/ki

Projekt traje od 2009. g.

Cilj projekta Razmjenom volontera/ki koji dolaze iz Njemačke u KULT omogućujemo mladima da razmjenjuju svoja iskustva, da prenesu znanja i vještine iz druge kulture, te da upoznaju bh. društvo.

Formalni partner projekta

*EIRENE, Njemačka; Pharos,
Stuttgart, Njemačka*

Projekt se provodi uz podršku

*Njemačkog ministarstva za
privredni razvoj i saradnju
(BMZ)*

Postignuti rezultati

- Do sada su dva volontera radila u Institutu za razvoj mladih KULT na raznim projektima. Ovogodišnji volonter trenutno je angažiran u Zavodu za specijalno obrazovanje i odgoj djece Mjedenica, nakon što je radio s djecom iz osnovnih škola iz Ilidže u programu Škola prijateljstva.
- Volonter u 2010. g. razvijao je sistem rada Škole prijateljstva te, zajedno s domaćim osobljem, postavio standarde za ovaj projekt.



Izjave korisnika/ca projekta

„The pupils in Mjedenica have completely different mental problems. Some of them are autistic, some have general problems with learning and remembering (that's why some of „my kids“ are asking me every Monday for my name again) and others have disabilities like the down-syndrome. KULT's volunteer in Mjedenica is working and helping the children in different kinds of ways. The day starts with preparing the lessons for the first class. He supports the teacher and collects the kids to bring them in school. When the generally work is finished the volunteer is looking for broken devices like DVD players and tries to repair them. After that he usually goes home and falls in his bed as a lucky guy.“ (Johannes Oesterwind, volonter, Sarajevo, 20. g.)



EWOCa3

Trinacionalni volonterski radni kampovi

Projekt traje od augusta 2009. g. do decembra 2011. g.

Cilj projekta U centru pažnje programa EWOCa3 nalaze se projekti koji se bave ekološkim temama. Mladi sarađuju na zajedničkom projektu, razmjenjuju iskustva, nastaju prijateljstva. Udruženje KULT učestvuje u programu EWOCa3 s partnerima iz Njemačke i Francuske.



Uključene općine

U projekt su uključene tri lokalne zajednice, po jedna iz svake zemlje:

- Iliđža, Bosna i Hercegovina
- Recklinghausen, Njemačka
- Hazeboruck, Francuska

Formalni partner projekta

1. CEFIR, Dunkerque, Francuska,
2. Verein für Jugendheime e.V., Recklinghausen, Njemačka

Projekt se provodi uz podršku

Stiftung Mercator, IBB
(Internationales Bildungs- und Begegnungswerk)

Postignuti rezultati

- 20 učesnika/ca iz Bosne i Hercegovine do sada je sudjelovalo na dva kampa u protekle dvije godine.
- Prvi ekološki kamp se održao u Recklinghausenu (Njemačka) od 8. do 28. septembra 2010. godine. Učesnici/e su sudjelovali u izgradnji vodenog ekološkog igrališta. To se odnosi na kreativne i ručne radinosti, kao što su izgradnja biotopa (životnih staništa), izgradnja malih sistema navodnjavanja, vodenica, kao i izgradnja nosećeg mosta i odvojenih formi sa biljkama i kamenjem.
- Drugi ekološki kamp se održao u Hazbroucku (Francuska) od 18. jula do 8. augusta 2010. g. Učesnici/e su ovaj put izgradili prilazni put ekološkom bazenu, stazu oko bazena, kao i drveni most.



Aktivnosti do kraja projekta

- Naredna aktivnost je organiziranje volonterskog kampa u Ilidži. Planirano je da radovima bude obuhvaćen uži krug Obrazovno-raznodnog centra za mlade SPAJALICA. Postavljat će se živa ograda te će se izgraditi nekoliko pedagoških stanica. Stanice su poznate kao metoda eksperimentalnog učenja s pomoću kojih se u grupi radi na izgradnji tima i povjerenja. Stanice će biti korištene u treninzima i radionicama koje KULT organizira u okviru drugih projektnih aktivnosti, kao što su obuke omladinskih lidera/ica.
- Kamp će se održati u septembru 2011. g.

Izjave korisnika/ca projekta

„Kamp je bio veoma zanimljiv, prvenstveno zbog toga što su učestvovala tri nacije, pa smo tako bili u mogućnosti da se upoznamo sa kulturom i običajima kako Francuske tako i Njemačke.

*Naše druženje je bilo vrlo interesantno, kako zbog svakodnevnih animacija, tako i zbog rada na "baušteli" gdje smo imali zanimljive poslove i naravno, ponešto naučili.“
(Jelena Čosović, učesnica kampa 2010., Istočno Sarajevo, 20. g.)*

"Za work-camp u Francuskoj vežu me samo lijepa sjećanja: nova poznanstva - druženje s mladima iz BiH, Francuske i Njemačke; spavanje u šatorima i oko logorske vatre, jutarnje animacije, razne društvene igre, učenje francuskog i njemačkog jezika, posjete okolnim gradovima, vožnja biciklima kroz šumu, pećanje insekata, predstavljanje svake države pojedinačno na razne načine, kao i rad na uređenju umjetnog jezera. I za kraj, mogu da kažem da sam kao dio BiH ekipe ponosna što sam svojim učešćem u projektu Ewoca3 doprinijela uređenju jednog malog dijela grada Hazebroucka. Uvijek ću pamtići ljeto 2010." (Mirna Bešlagić, učesnica kampa 2010., Sarajevo, 24. g.)



Projekt je trajao od augusta 2010. do aprila 2011.

Cilj projekta je izrada kurikuluma za šest nastavnih časova na bosanskom, engleskom i njemačkom jeziku, koji mogu koristiti nevladine organizacije i škole u predmetu Demokracije u srednjim školama u Njemačkoj i Bosni i Hercegovini.

Uključeni gradovi

Ilidža, Istočna Ilidža, Köln

Formalni partner projekta

Program EUROPEANS FOR PEACE, Gimnazija Köln-Nippes

Projekt se proveo uz podršku

Fondacija Sjećanje, odgovornost i budućnost

U ljudskim pravima Romi, u svakodnevnici Cigani

Mladi iz Njemačke i Bosne i Hercegovine analiziraju provođenje ljudskih prava u svojim zemljama

Postignuti rezultati

- Razmjena dvadeset mladih iz Kantona Sarajevo, Istočne Ilidže i Kölna (Njemačka);
- mladi su se bavili historijom i kulturom Roma u Bosni u Hercegovini i Njemačkoj, istražujući položaj nacionalnih manjina, te analizirajući koliko se poštuju ljudska prava romske manjine;
- analizom su spoznali trenutnu situaciju ljudskih prava kod Roma;
- tražili su moguće rješenje za poboljšanje situacije ove etničke grupe;
- posjeta organizaciji za ljudska prava Roma u BiH;
- posjeta izbjegličkoj romskoj školi u Kölnu;
- izrada nastavnih materijala o ljudskim pravima Roma.



Ideja projekta

Ovaj projekt bavi se historijom i kulturom Roma u Bosni i Hercegovini kao i Njemačkoj, te završava pitanjem: Poštuju li se i u kojem obliku ljudska prava ove etničke grupe?

Izjave korisnika/ca projekta

*„U inicijativi U ljudskim pravima Romi, u svakodnevnicima Cigani imala sam priliku, zajedno s mladim ljudima iz dvije različite sredine, naučiti nešto više o historiji, načinu života i problemima s kojima se susreće romsko stanovništvo. Najviše me se dojmila posjeta izbjegličkoj romskoj školi u Kölnu, koja je ujedno i najveći dokumentarni centar kulture Sintija i Roma u Njemačkoj, gdje sam se uvjerila da samo uz malo pomoći možemo promijeniti tok nečijeg života, a u isto vrijeme naučiti puno iz kulture o kojoj većina ljudi ima predrasude. Družili smo se sa svojim prijateljima iz Kölna, upoznavali drugo i drugačije, zajedno učili o nečemu trećem. Zaista, to su bile dvije sedmice u kojima je svaka minuta bila iskorištena za učenje o razumijevanje.“
(Amila Hodžić, volonterka, Sarajevo, 19. g.)*

Institut za razvoj mladih KULT

www.mladi.org

kult@mladi.org

**Obrazovno-raznodni centar za
mlade SPAJALICA**

Banjska ul. 2

71210 Ilidža, BiH

T/F: +387 33 637290

**Ured Ilidža, Administracija i
Računovodstvo**

Dobrinjska ul. 7

71210 Ilidža, BiH

T/F: +387 33 621351

Ured Gradačac

Ul. Reufa Huseinagića bb

76250 Gradačac, BiH

T/F: +387 35 818472

